

COLOVINYL  
MOSAICO di PLASTIC

Un bonita vloer pa cu-  
shina, pasillo y banjo.  
Practico y moderno!!

FABRIKAAT  
LINOLEUM KROMMENIE  
MESKER - ARUBA N.V.  
TEL. 1325

# ARUBA ANSE COURANT



Diario pa



Aruba

KING SIZE COCA-COLA  
MORE  
FOR  
YOU!

INSTALA AIREACON-  
DICONADO NA BO

CAS AWOR!



ANJA 23

DIAHUEBS 28 JUNI 1962

No. 4372

## AVISO SERIO DI WASHINGTON NA CHINA COMUNISTA

WASHINGTON, 28 juni — Segun noticianan cu nan a publica ayera na Washington, e gobierno mericano a adverti China, cu Merca tin di proteha China Nacionalista contra un eventual ataque. E advertencia aki nan a haci diasabra na un reunion dje embahador mericano na Warschau, John Gabot, y e embahador chino, Wang Pingnan.

E ministerio mericano di exterior no a duna comentario acerca e noticianan aki, pero circulanon diplomatico a se-  
gura, cu e reunion aki si a tuma lugar.

Circulanon diplomatico na Washing-  
ton a bisa despues, cu e advertencia no  
ta nifica ningun cambio den politiek di  
Merca.

E tratado di defensa entre Merca y  
China Nacionalista, ta obliga Merca, di  
defende territorionan nacionalista,  
manera Formosa y Pescadores, cu  
ta pertence na China nacionalista.

Funcionarianan di departamento di  
marina, a bisa, cu e movimentu di  
flota dje basis mericano di flota mas  
grandi di Hapon, no ta nifica nada.

Diadomingo nan a trece conecion cu  
e bapornan mericano y movimentu di  
trupanen chino. Portavoznan di marina  
a bisa, cu e di shete flota te ainda ta  
den movimentu.

Funcionarianan di gobierno a segura  
despues, cu chinonan a recorda, cu  
Merca tuma pa nan cuenta di defende  
China Nacionalista contra un atake co-  
munista.

Funcionarianan a bisa tambe, cu no  
cohe e tratado como "un advertencia".

Den e caso ei lo tin e impresion, cu  
Merca a yama e embahador chino den  
un cambeyo y a alza un dede pa adver-  
tele. Y esaki no ta e caso.

E politica di president Eisenhower di  
shete anja pasa ainda ta na vigor. E  
politica aki ta dirigi pa evita uso di vio-  
lencia, Kennedy a bisa cu e ta adversa-  
rio di tur intento di forsanan nacionalis-  
ta di Tsjiang Kai Sjek, pa regresa na e  
continente di China. E tratado entre  
Merca y China Nacionalista tin sola-  
mente un caracter defensivo.

Pa loke ta desarollo di un forza  
atomico na Francia e president a bisa  
cu e ta di opinion cu un tal forza ta

### E ELECCIONNAN NA PERU

LIMA, 28 juni — President di e ofi-  
cina nacional di eleccion, dr Jose Bus-  
tamente y Corzo, a worde amena-  
za cu morto via di telefon pa un desconoci.  
Aunque cu nan no ta tuma e amena-  
za en serio, el a haya proteccion di polis.

E diario independiente ayera a bol-  
be pronostica cu ningun di e candida-  
tonan di e eleccion di dies di e luna  
aki lo haya e mayoria di un tercer, lo-  
que ta necesario pa bira president. Esa-  
qui ta nifica, cu e congreso cual lo reu-  
ni dia 28 di juli lo mester eligi un pre-  
sident.

contra di e interesnan di e alianza at-  
lantico.

Kennedy a bisa cu tabatin movimen-  
tunan masha grandi mes di trupanen ri-  
ba e continente chine. E intencion di  
esei no ta cla, pero parece cu ta nece-  
sario pa publica e opinion di Merca den  
e asunto ey claramente.

Contestando un pregunta Kennedy a  
bisa cu Merca na West Europa kier  
mantene mas tantu posibel seis divi-  
sion.

E pruebanan nuclear ta na interes di  
Merca.

No ta existi ningun peliger pa salu  
di e poblacion di Merca.

### RETIRO DI GOBIERNO BRAZILENJO

RIO DE JANEIRO, 28 juni — E  
premier brazileno, Tancredo Neves, a  
retira ayera cu su gabinete. President  
Joao Goulart, a anuncia, cu awe nan  
lo pidi congreso di nombra minister di  
exterior, Santiago Dantas, premier. Ne-  
ves a bisa siman pasa, cu e lo tuma su  
retiro, pa pone su mes candidato na e  
eleccionnan di congreso cu nan lo tene  
na october proximo.

### HUDIO NA ARGENTINA

BUENOS AIRES, 28 juni — E co-  
munidad hudio di Argentina, lo huelga  
awe como protesta contra maltrato di  
un mucha muher hudio di 19 anja.

Manera ta conoci caba, bandidonan  
anti-semitista a maltrata e mucha aki.  
E bandidonan a declara, cu nan a ac-  
tua asina, pa veng e checuacion di  
Eichmann. E mucha su salu ta actual-  
mente basta bon.

### DISCURSO DI ULBRICHT

BERLIN, 28 juni — President Wal-  
ter Ulbricht, di Alemania Oost, a expre-  
sa su mes den un discurso pa e comite  
di partido, contra e deliberacionnan  
propone door di Occidente, di e 4  
grandinan tocante e incidentenan fron-  
teris berlines, asina e oficina di Ale-  
mania Oost di prensa A.D.N., e anun-  
cia. Ulbricht a yama esaki: "un ma-  
nera nobo di Adenauer pa suspender  
un arreglo aleman di paz of pa 'strobele".

### E REUNION NA ACCRA

ACCRA, 28 juni — Na e reunion  
di "Mundo sin Atoombom", na Accra  
nan a dicidi ayera di manda delegacion-  
nan pa Kennedy y Krushchev pa duna nan  
despues dje reunion datonan dje conclu-  
sionnan q proposicionnan dje reunion,  
segun un noticia for di Accra.

## Papoea a mata oficial Indones cerca Merauke

HOLLANDIA, 28 juni — Den un co-  
municado oficial cu nan a saca ayera na  
Hollandia, nan a anuncia, cu den cer-  
cania di Merauke, e poblacion a mata  
un paracaidista indones.

Ta trata akinan, segun nan a tende  
despues, di un oficial indones, cu a  
puntra e poblacion e caminda pa Me-  
rauke, manera hopi paracaidista, se-  
gun noticianan cu nan a ricibi na Hol-  
landia ta puntra e poblacion local.  
Ora cu e Papoea, na kende e oficial  
a dirigi su mes, a indikale un caminda  
robos, e indones aki cu su bruhula  
(kompas), a trata di bisa esaki cu esei  
ta imposibel. Y e Papoea cu a hanjele  
bruhula, a ataca e oficial indones y a  
matele cu un oficial palu. E Papoea  
ta hefe di un Kampong y tabata acom-  
panja door di dos otro persona.

Nan a derra e cadaver dje solda y  
nan a duna inmediatamente e cosnan  
personal dje paracaidista cu nan a  
haciele e gobierno di Merauke.



Aqui nos ta mira e decano den un discusion ta papia cu  
gestonan di man cu e regisor conoci Roland Neame. Nos  
no por sigui nan combersacion, pero ta manera e ta aprobe.

## BRIGADANAN DI TRAFICO DI PASEO CU WIJFFEL

ORANJESTAD — Ayera tardi 70 dje  
110 brigadiernan di trafico cu Aruba ta  
posse a bai nan excursion anual huntu  
cu nan lider hoofdagent W. Wijffels. E  
dia aki a bira un di nan exitoso cu a  
larga e mucha homber y muheran mi-  
ra cosnan masha interesante.

Primeramente nan a bai haci un bi-  
shita na Victoria Bottling Company na

### MINISTER DILLON TOCANTE ECONOMIA MERICANO

WASHINGTON, 28 juni — Den un  
declaracion pa e comision di finanzas  
e senado a anuncia minister mericano di  
finanzas, Douglas Dillon, cu si acaso  
tin den e venidero anja di presupuesto  
un falta grandi di presupuesto, e go-  
bierno probablemente lo pidi congreso  
di aumenta fuertemente e maximo dje  
debe nacional cu actualmente nan a  
propone. Minister Dillon, a bisa, cu e  
"federal reserve system", lo anuncia awe  
cu e provision mericano di oro a keda  
incambia pa di seis siman tras di otro.  
El a bisa, cu e situacion di balanza di  
pago, den e di dos kwartal di e anja  
aki, ta soporta un cambio fuerte y cu  
esaki ta e causa, door di cual e schat-  
casi a baha den e ultimo seis siman di  
oro.

San Nicolas, unda e muchanan por a  
sigui enter e proceso di Pepsi Cola.  
Despues nan a sigui pa gruta di raton  
di anochi na Quadrikiri i porfin nan  
a bai orilla di POVA, unda nan a landa  
i na unda na fin dje atardi cada un  
dje brigadiernan aki a hanja un cucha-  
rita cu un inscripcion.

Na e ocasion aki a haci uso di pa-  
labra comisario C.A. de Jager, quende  
a expresa un palabra carinoso na e  
presentenan den cual el a gradici nan  
pa nan molesternan i nan trabao util  
haci. Sr. Brigadier a muntra cu co-  
nociendo trafico e muchanan aki por  
ta un gran ayudo pa poliznan. I ta  
spaar poliznan di hopi trabao. El a  
jama nan "un equipo fini di assisten-  
nan di poliz" i a bisa cu e ta orgullo-  
so di nan prestacion.

### For di 10 mei 1950

E brigadiernan chiquito aki ta exis-  
ti na Aruba for di anja 1950. Nan  
organizacion a ser funda, graaio pa un  
iniciativa di Aruba Lions Club, cu for  
di e tempo ei tanto na apoyo finan-  
ciero, pero tambe pa medio di interes  
continuo a sibi di mantene e cuerpo  
aquri riba pia i ademas nan por a goza  
dje plaacer di mira com e club ta desa-  
rolla. Awor e brigada di trafico in-  
fantil ta na accion den sietie scol na  
Aruba, cu ta: St. Dominicus College,  
Mon Plaisirschool i Maria College na  
Oranjestad i Na St. Augustinus College,  
scol di Don Bosco, Graaf von Zinzen-  
dorschool i Benildeschool na San Ni-  
colas. Sin embargo ainda tin mas scol,  
na unda ayudo dje brigadiernan aki  
ta masha deseable.

E final a draai algun pelicula den  
centrum di POVA.

E eucharanan cu lo ser parti, ta un  
obsequio di Lions Club.

### RAUL PIETER 20 ANJA AMBTENAAR

ORANJESTAD, 28 juni. — Sr. Raul  
Pieter cu ta opzichter te klas na Ser-  
vicio Veterinario na Oranjestad, ta re-  
corda awe e hecho cu binti anja pasa  
el a drenta servicio di gobierno. Sr.  
Pieter, quende ta yiu di Corsou, a yega  
Aruba dia 27 di juni 1942 pa drenta  
servicio di land, un dia na abatoir.

Na anja 1943 mes a sigui su promo-  
cion como controleur di mercado. E  
siguiente promocion a sigui na anja  
1947 dia cu el a queda nombra assis-  
tent di vries- en koelhuis. Ora cu i  
di juni 1955 el a bai over den servicio  
di eiland, nan a nombra Sr. Pieter  
como opzichter, mientras cu foi dia  
1 di Januari dje anja aki e por jama  
su mes opzichter te klas. Sr. i Sra.  
Pieter no ta pensa na larga e hubileo  
pasa quetu asina.

### PRESENTACION DI JAMBOREE DI ORO

ORANJESTAD, 28 juni. — Anta-  
jera noch den club di Vereniging Su-  
riname a ser presenta e pelicula di pad-  
vindernan cu a ser filma na anja 1957  
na ocasion dje Jamboree di oro na  
Londen. Mas o menos 200 mucha  
homber i muhe a asisti na presentacion  
dje pelicula aquri cu nan a hanja asina  
bunita ofreci pa sr. Seferino Luydens.  
Lastimamente cu net e delegacion Aru-  
bano cu tur e presentenan quier a miré  
den e pelicula no a ser filma. Despues  
dje pelicula di Jamboree ainda a sigui  
dos pelicula mas over di World Series  
Baseball di 1958 i 1960. E pelicula di  
Jamboree tabata solamente fia pa un  
par di seman di Public Relations De-  
partment di Lago. Tabata anto un suer-  
te cu nan por a haci ocasion di orga-  
niza un presentacion pa padvinder- i  
padvindsternan di San Nicolas.

### ARUBA TA BAI NA DI 11 JAMBOREE MUNDIAL

ORANJESTAD, 28 juni. — Padvin-  
dernan di Aruba tin un plan concreto  
di manda un representacion na di 11  
jamboree mundial, cual lo ser teni  
otro anja na Grecia. Luga pa tene e  
Jamboree aquri a ser scohi Marathon.

Situa na 42 kilometer di distancia for  
di Athene cu a bira afama pa un ba-  
talla conoci i un prestacion di hard-  
loop relaciona na esei. "Pa e jambou-  
ree aquri cu ta ser teni for dia 1 te 11  
di Augustus, nan ta spera 10.000 pad-  
vinder stranjero i 2000 padvinder- i  
padvindsternan Griego. Lo nos ser  
indica den 12 campamentunan cu ta  
queda banda di otro, sea na kantu di  
lamar of den mondinan di pina. Des-  
pues dje jamboree stranjeronan por  
quedar goza di hospitalidad di Griegonan  
te dia 29 di augustus.

Na Aruba ya e plan a cuminsa cu  
e organizacion aquri. Nan tin plan vast,  
mesos cu durante Jamboree di oro  
na Londen, di manda un delegacion  
Arubano. Pesei nan quier nombra  
pronto un comision di Jamboree cu  
ta engloba tur cos, den cual, segun e  
ta pensa, representantenan di tur orga-  
nizacion di padvindernan na Aruba lo  
asisti.

### PADVINDERNAN ARUBANO TA KAMPEER NA CORSOW

ORANJESTAD, 28 juni. — Na Au-  
gustus un grupo di padvinder di N.P.V.  
di Aruba lo bai kampeer na Corsou.  
Ya ta un hecho caba cu un gran parti  
dje grupo di Arowakken lo tuma parti  
na e excursion aquri. No ta imposible  
cu tambe otro gruponan di verkenner lo  
tuma parti na e excursion aquri. E  
campamento lo dura seis dia i e pro-  
grama provisorio ta bisa di excursion,  
un kampvuur i un marcha door di  
cajanan.

### A SLAAG NA NIJMEGEN

ORANJESTAD, 28 juni. — Na Nij-  
megen — Hulanda — Olivia Dreischer  
a slaag pa maestra. Olivia, quende  
ta un yiu muhe di Sra. Dreischer di  
John G. Emanstraat a studia na Klok-  
kenberg Kweekschool na Nijmegen. Na  
Aruba e tabata alumna di Juliana-  
school.

### F A T U M — Tel.: 1845 pa tur bo aseguronan

### ESNAN CU A SLAAG FO CURSO DI ANOCHI DI MATER DEI

ORANJESTAD, 28 juni. — Dialuna  
anochi e siguiente damanan aki a slaag  
pa examen di avondcursus di Mater  
Dei Huishoudschool na Oranjestad:  
Maria Barano, Apollonia Barnes, Oli-  
via Donker, Rosafita Fabus, May  
Geerman, Vincentia Hughes, Dora  
Mathilda, Genara Mathilda, Canisia  
Ruiz, Dorothy Rummel, Carolina Sed-  
ney, Sila Vrolijk, Petra Christiaans,  
Caridad de Freitas, Yestina Craig,  
Edith Lo A Njoe, Willy Lo Fo Sang,  
Rosenda Ferrier, Marie Wong A Soy,  
Petra Hassell, Maria Giel, Marlene  
Wiersma, Martha Croes, Aimee Hodge  
Mildred Henry, Linde de Cuba, Aida  
Jacobs, Juana Janey, Anna Feliciano,  
Desidelia Kock.


E damanan aquri a bishita e curso di  
anochi di cosemento un anja i mei.  
E curso aquri a bin resulta un gran exi-  
to i ya caba a ricibi di esnan cu a slaag  
masha peticion pa continua e curso aki.  
Ayera noch i diplomanan dje da-  
manan aquri cu a slaag a ser entrega  
na sra. pa inspector di ensenjanza Sr.  
T. Sprockel, durante un encuentro fe-  
stival den e scol. Ademas tabatin tam-  
be un modeshow chiquito.

ODUBER & KAN




bril den tur  
model

ODUBER & KAN




bril di solo

ODUBER & KAN




contactlens

ODUBER & KAN



servicio

ODUBER & KAN





## OPENBARE VERGADERING

van de Eilandsraad van Aruba op vrijdag 29 juni, des avonds om 8 uur.

### AGENDA

1. Ingekomen stukken.
2. Goedkeuring van notulen.
3. Wijziging van de begroting voor 1962 (1e wijziging).
4. Wijziging van de begroting van de Telefoon dienst voor 1960.
5. Garantieverlening t.b.v. de N.V. De Olde Molen.
6. Slechtsomstervenverordening Aruba 1961.
7. Wijziging van de begroting voor 1961 (4e wijziging).
8. Wijziging van de begroting voor 1962 (2e wijziging).
9. Wijziging van de bestemming van krediet voor technisch onderwijs.
10. Uitgifte van grond aan de Stichting Eduard Michéls.
11. Wijziging van de begroting van het Water- en Energiebedrijf voor 1959.
12. Wijziging van de Invorderingsverordening Aruba 1953.
13. Wijziging van de Algemene Politieverordening voor Aruba 1952.
14. Vaststelling van het slot van de rekening van de Dienst voor Openbare Werken over 1958.
15. Vaststelling van het slot van de rekening over 1958.
16. Vaststelling van het slot van de rekening van het Water- en Energiebedrijf over 1958.
17. Wijziging van de Eilandsverordening van 27 november 1961 tot het aan gaan van geldleningen.
19. Wijziging van de Verordening op de uitgifte van eigendommen.
20. Wijziging van de begroting van het Water- en Energiebedrijf voor 1960.

Oranjestad, 26 juni 1962.

De Voorzitter,  
I. S. DE CUBA.

## ELECCION PA REINA DI DEPORTE 1962/1963

Di nos redactor deportivo

Un di e puntanan culminante di e venidero Olimpiada A.S.U. lo ta atrobe eleccion di un Reina di Deporte. Pa clubnan deportivo di nos isla ya a worde manda circularionan suplicacion na pa nombra un candidata pa competi. E condicionnan na cual candidata mester cumpli ta cu e no por tin mas di 25 ni menos di 18 anja di edad; e no por ta un estudiante, e mester por domina e idioma di papiamiento, e mester ta un berdadera amante di deporte y e mester ta dispuesto na atende eventonan deportivo tanto nacional como internacional, pa cualnan e a worde invita formalmente.

Sistema di e eleccion lo ta riba mes cu e eleccion di anja pasa. A.S.U., H. Kuiperi no mas tarda cu dia 23 di juli 1962.

### Tambe pa defile

Lo worde nombra pues door di directiva di A.S.U. un hurado cu lo tin e dificil trabao di selecciona un Reina di Deporte.

Di cada candidata cu worde inscribi mester worde entrega tambe dos portret y un prueba di inscripcion na Censo. E formularionan di inscripcion mester ta entrega cerca e miembro di e Comité Organizador di e VIII Olimpiada A.S.U., H. Kuiperi no mas tarda cu dia 23 di juli 1962.

Ariba e anochi di apertura lo tin atrobe un defile di clubnan deportivo.

Manera custumbra tur club deportivo por participa. E clubnan ya a worde invita pa confirma nan participacion door di manda un formulario pa Sr. Johnny Oduber promer cu dia 27 di juli 1962.

## Controversia A.S.U.-A.V.B.

# Directiva di A.S.U. a expone datonan den conferencia cu prensa

(Di nos redactor deportivo)

DiaLuna anochi den sala di Wilhelminastadion, directiva di A.S.U. a tene un conferencia cu prensa y radio di nos isla en relacion cu e existente controversia entre Aruba Sport Unie y Aruba Voetbal Bond. Durante e conferencia aki e president di A.S.U. Dr. G. A. Oduber, hunto cu diferente otro miembro di directiva manera e activo secretario Frere Theodorus y tesorero G.V. Simon a contesta diferente pregunta haci. Dr. Oduber a cuminsa cu pidi atencion di pensa y radio cu no ta custumbra di A.S.U. pa reaccion ariba critica den corant of radio, pero como cu directiva di A.V.B. a trece e controversia na opinion publico door di extende diferente informacion na diferente corant, A.S.U. ta hanja su mes obliga pa trece e detayenan completo adilanti.

E siguiente relato den orden cronologico tocante e diferencia di opinion serio entre directivanan di A.V.B. y A.S.U. a worde entrega na esunnan presente.

Manera ta conoci anualmente A.S.U. ta hanja un suma di f. 100.000.— for di Gobierno Insular. Tur anja e boekman financiero di A.S.U. ta worde controla door di Eilandsaccountantsdienst, loke huzgando riba e raportnan ta socede minuciosamente y den forma extenso. Cu esaki tin como consecuencia un politica financiero cuidadoso di parti di A.S.U. ta algo logico.

E perdida anual grandi den explotacion di Wilhelminastadion ya diferente biaha a worde discuti door di directiva.

Dia 12 di januari 1962. Reunion di directiva di A.S.U. En relacion cu un remarcacion haci tocante uso di Stadion, presidente ta informa cu un carta lo worde dirigi na bondnan avisando nan cu lo bin algun cambios den e contract tocante uso di Stadion.

Dia 13 di januari 1962. E secretario di A.S.U. ta manda e cartanap men-

cion pa directiva di A.V.B., A.B.B.A. y A.S.B.

Dia 23 di januari 1962. Bestuurscollege di Aruba a huzga necesario pa nombra un comision pa conferencia cu directiva di A.S.U. tocante finanzas. E comision financiero aki, cu como presidente Sr. R. van Hoort Hefe di Depto. di Finanzas Insular a reuni awe cu directiva di A.S.U. Un di e puntanan cu e comision a trece adilanti ta e perdida grandi den explotacion di Wilhelminastadion.

Dia 9 di maart 1962: Directiva diario, segundo tesorero y Stadionbeheerder ta reuni pa formula un concept di un contract nobo pa uso di Stadion. Diferente cambio ta worde haci y luego e Stadionbeheerder ta manda e concept nobo pa miembronan di directiva di A.S.U. y pa e bondnan concerni.

Dia 31 di maart 1962. Reunion entre directivanan di A.S.U. y A.V.B. en relacion cu e contract nobo.

Na promer luga A.V.B. ta mustra cu mester tene cuenta cu un termino di dos luna pa por caduca e contract exis-

# YABI

## pa bo exito

Avisa den  
Arubaanse  
COURANT  
y compara e  
resultado !!

Enjoy the feel of safe, railbound cornering even on wet and slippery roads.

## D. K. W.

Agent: KUSTERS TRADING CO. — PRICE f3.350.—

**USA GAS PA TUR COS**

pidi  
bo  
tubonan  
na  
tempo

**ARUBA GAS SUPPLY**

**OFICINA MARITIMA DE ARUBA**  
TEL. 2664-1622  
Pa transportacion di mercancia y mudanza

E pedidonan ta ser haci rapido, bon y na bo satisfaccion.

**CEMPRO N.V.**  
WAYACKA - TEL. 2444

**PRACTICAL PRICES**

cu materialnan di construcion di calidad y na prijs atractivo, easy ta solamente na

**PETRONA & CROES**

**BARATILLO!!**

Articulan Americano y Italiano ta bal na prijsnan drasticamente rebaha; manera

- \* FLUS DI DACRON f 38.—
- \* CARSON DI KHAKI pa bomber „ 4.90
- \* TAPIJT pa cuarto di banjo antes f 5.90 awor „ 3.00

y hopi otro articulo mas. A d e m a s

**20% di rebaha**

'RIBA TUR SHIMIS Y SAJA PA MUCHA Y HENDE GRANDI.

**Manhattan Store**

**AWOR BO POR CUMPRAR REFRIGERADORA MARCA „ELECTROLUX“ di corriente**



4/61

**Di FI 350.— cash pa'riba**

**ARUBA TRADING CO.**

Gran facilidad di pago. GASTA MENOS CORRIENTE y ta fria mucho mihol

Laga nos duna bo un demostracion cu e tape-recorder portatil SIERA cu nos a caba di ricibi.

**CASA ELECTRONICA**  
(Banda di Viana) - Tel. 5371

ta existi un contract y cu ainda e boekman no por worde controla pa motibo di dehades di parti di A.V.B. den entrega pronto e pruebanan necesario, ta worde stipula cu for di awe temporalmente e bendemento y control di kaarchinan di Stadion lo worde haci door di A.S.U. y cu mensualmente 50% di e entradanan bruto lo worde entrega na A.V.B. te ora cu un contract nobo worde cerra.

Dia 15 di juni 1962. — Reunion di directiva di A.S.U. E representante di A.V.B. ta yama e carta di A.S.U. di dia 13 di juni un „punjalada den lomba“. Segun e bato di e palabra „temporal“ mester worde comprendi „pa semper“. Tambe e representante di A.V.B. ta bisa cu nan tin motibo pa kere cu A.S.U. kier trata nan malo. Sin embargo no por duna ta cual ta e motibonan, ni ariba insistencia di un otro miembro di directiva. E ta termina cu contesta: „Mi ta nenga di una un contesta“.

Te aki e acontecimentonan den orden cronologico. A.S.U. no ta kere cu no ta posibel hanja un solucion. E boekman ta worde controla y di e resultado hopi lo depende. Directiva di A.S.U. ta completamente dispuesto na duna su cooperacion, pero bato di circunstancianan caminda lo por worde coopera. Tambe A.S.U. ta spera cu e confianza mutuo lo no worde danja door di e chismenan cu ta worde gepart rond.

Sin duna su propio comentario A.S.U. a hanja necesario di duna na prensa e detallenan ya menciona pa asina e amantenan di deporte y e publico en general mes por huzga.

Esaki pues ta un traducccion di un press-release extendi door di directiva di A.S.U. en relacion cu e cambionan proponi pa un contract nobo cu A.V.B. pa uso di Wilhelminastadion.

## ELECCION PARLAMENTARIO CANADIENSE

OTTAWA, 26 juni. — Despues dje contamentu dje votonan dje forzanen Canadiense di guerra a resulta cu e partido conservativo di premier John Diefenbaker a perde dos asiento na e eleccionnan parlamentario cu nan a tene siman pasa na Canada. E resultado dje partidonan ta actualmente: Conservativonan 116, Liberal 99, Partido pa Credito Social 30, y Socialistanan 19 asiento. Te ainda nan mester dicidi riba un asiento.

## EILANDGEBIED ARUBA

De Commissaris van Politie op Aruba maakt bekend dat ingaande heden in verband met werkzaamheden aan het ondergrondse kabelnet, het gedeelte van de Nassaustraat te Oranjestad, in westelijke richting gesloten wordt verklaard voor het verkeer met alle voertuigen, rij- en trekkieren en vee.

De geslotenverklaring zal worden kenbaar gemaakt door de daarbij behorende verkeersborden en verkeerstekens.

Please note that our Offices, Stores, Automotive Department, Wholesale Department, Warehouses and Home Appliance Department will be

**C L O S E D**

for

**ANNUAL INVENTORY**

on

**MONDAY, JULY 2ND and TUESDAY, JULY 3RD.**

**ARUBA TRADING COMPANY**  
Oranjestad - San Nicolas

## CISCO KID

presenta pa cortesia di **YORK**  
e prome cigarilla tamanjo IMPERIAL


1. „Esey si ta suerte! No ta indian!“ 2. „Ta un joven macha balente! Mi ta pidi ayu- da..... no, Dios warda mi!“ 3. „Oooh, danki Dios cu mi no a pidi e bandolero Cisco Kid ey ayuda!“



## AVENTURA DI OLLE

presenta pa cortesia di **SELMA'S KAPSALON**

Poco poco nan ta disparte bato di awa. Pero e profesor ta hopi spanta. Bosonan tene panjanan tambe ta muha e profesor ta bisa. Pero nan no por haci nada y mammet ta corre manera un cabai bato di awa.



Altrecondiciona, Boerhaavestraat 12, Oranjestad. Tel. 2750. Peinadò gradua cu experiencia di ultima moda. Solamente f12.50 pa clientenan di luna, ademas pa cada f25 gasta cerca nos, e cliente ta ricibi un SORPRESA. Bishita nos y keda satisfecho.



---





Cu e cunchi aki E. Petrosjan a taha atera campeonato di su esposo Tigran den torneo di campeonato di schack na Hotel Intercontinental na Corsow. Petrosjan a sali invicto for di e torneo.

### CRISIS BRAZILENJO DI GOBIERNO

BRASILIA, 28 juni — E chensnan na Santiago, di laga Dantas sigui Tancredo Neves como minister president di Brazil, ta mas grandi. Ora cu Neves na e entrega di e retiro di su gobierno a elogio e gobierno di su minister di exterior Dantas, tocante e diplomacia brazilenjo, a saca un aplauso largu di banda dje delegadonan.

### HUELGA DI PROTESTA NA BILBAO

BILBAO, 28 juni — „General Electric”, un fabrica na Bilbao, caminda ta traha mas di 4.000 persona, a worde cerra door di gobierno pa algun tempu, despues cu e personal a huelga durante un ora, como protesta contra e detencion di 39 homber.

### KENNEDY TOCANTE FORSA NUCLEAR FRANCES

NEW YORK, 28 juni — E desarrollo di e forza nuclear di Francia ta contra di e interesnan di e alianza Atlantico, asina president Kennedy a bisa ayera na su conferencia di prensa. Riba un pregunta si Merca ta acepta e firmeza di Francia pa desarolla un forza nuclear como consecuencia di e bishita di Rusk na Francia, Kennedy a bisa, cu Merca semper a acepta e firmeza aki.

Pero Merca no a bai di acuerdo pa participa na cuakier forza atómico nacional. Esey ta anima e otro paisnan pa haci mescos y lo ta malu di Merca pa obliga nan mes na haci esey, tantu for di punta di bista di Merca cu como for di punta di bista di e alianza atlantico.

E pasanan tuma door di Merca den cuadro di NAVO ta ofrece suficiente seguridad „y mi ta hanja cu nos mester keda na esey”. E Francesnan no ta di acuerdo cu esaki, asina Kennedy a bisa.

### ROEANDA BOEROENDI

NEW YORK, 28 juni — E asamblea general a acepta ayera cu votoan general, e ordenanza, pa duna Roeanda y Boeroendi dia prome di juli proximo independencia. E dos territorionan aki, cu for di algun tempu ta forma parti di oost Africa Aleman, ta goberna door di Belgica for di prome guerra mundial como Roeanda y Oeroendi, prome den nomber di volkenbond, y despues pa Nacionnan Uni.

E amendement Sovietico, cu ta bisa, cu Belgica, mester retira for di e territorionan aki riba e fecha dje independencia.

### ESPAÑA Y CONGRESO NA MUENCHEN

MADRID, 28 juni — Cuater prome di Barcelona kendenan na cuminsamentu di e luna aqui a participa na e congreso di e movimiento Europeo na Muenchen, a worde yama door di e servicio Spanjo di seguridad pa bini Madrid pa interrogacion. Asina nan a informa ayera di fuente bon na altura na Madrid.

Ta trata aki di e hefe di e instituto pa estudionan Europeo, Manuel Glavillo, su reemplasante, Jorge Ballester, un miembro di e instituto, Felipe Lagarriga y e escrito Rafael Tassis.

Our special cake of the week is:

Cherry Cake Fl. 5.—

Delicious Pies a weekend treat for your family.


Every week:

FRESH CREAM CAKE Fl. 6.50

Royal Bakery Rainbo Bakery

Tel. 1327 SAN NICOLAS

ORANJESTAD Tel. 5064



## SEIS BIAHA ROND DI MUNDU

Schirra, kende su tata tabata aviador den prome guerra mundial, a haci durante e lucha na Corea un gran cantidad di vuelonan. Diferente biaha el a worde destingui. E astronauta cu a nace na Hackensack, New Jersey, ta casa y e tin dos jiu.

Mescos cu astronauta Scott Carpenter Schirra ta oficial na marina Mericano. Na april di anja 1959 el a worde adopta den e grupo di futuro astronautan.

Shirra ta un test pilot di 39 anja. Siman pasa nan a tene den reserva, ora cu capitán teniente Scott Carpenter a cumpli su vuelo den espacio di tres biaha rond mundu.

Di cierto fuentenan autorisa nan ta informa ademas cu nan ta spera cu Schirra lo por haci su vuelo den espacio na september cu ta bini.

E oficina Mericano pa vuelo den espacio a participa cu na un vuelo den espacio na cual nan ta haci cuater,

### MENSAHE DI SOEKARNO PA OE THANT

NACIONNAN UNI, 28 juni — E secretario general interino di Nacionnan Uni Oe Thant, ayera a trata pa hanja mas aclaracion di e punta di bista Hulandes den e kestion di West Nieuw Guinea.

Un portavoz di Nacionnan Uni a confirma cu Oe Thant despues di a ricibi e mensahe di president Soekarno a yama e representante Hulandes permanente na Nacionnan Uni, mr. C.W.A. Schurmann cerca dje.

Esaki parce a participa Oe Thant, cu el lo trata na hanja e participacion cu president Soekarno kier.

### Djakarta

Na Djakarta nan a informa ayera cu president Soekarno den un carta na e secretario general interino di Nacionnan Uni a laga sa, cu Indonesia solamente lo bai di acuerdo cu reanudacion di e deliberacionnan cu Hulanda, si e gobierno di Hulanda claramente door di e declaracion abierta participa su intencion pa un arreglo pacifico di e kestion Nieuw Guinea a base di e proposicionnan di senior Bunker.

Den e mensahe aki e president di Indonesia ta bisa cu e condicion aki den su bista ta e ultimo dificultad cu tin pa un reanudacion di e deliberacionnan pa solucion di e problema Nieuw Guinea.

cinco of seis vuelto rond di mundu e cabina lo baha na terra atrobe banda di e isla Midway den centro di oceano pacifico.

E capitán di forsa aerea Gordon Cooper lo checuta e vuelo si den cuakier caso Schirra no por.

E funcionario di Nasa (e oficina pa vuelonan den espacio) a declara cu e cantidad di vuelonan rond mundu lo worde stipula door di diferente factornan tecnico. Un vuelo den espacio na cual nan ta haci mas o menos seis vuelto rond di mundu lo dura mas o menos nuebe ora.

### ESPIA SOBLEN A DESAPARECE

NEW YORK, 28 juni — E espia Robert Soblen, kende awe lo mester a bai den prison pa sinta un castigo perpetuo pa motibu di espionaje, segun autoridadhan Mericano ayera a worde duna como perdi pa su esposa.

Soblen, un psiquiatra di 61 anja cu a nace na Lithuania, anja pasa augustus a worde condena pa motibu di espionaje pa Union Sovietica. Segun mediconan e tabata sufrir di leukemia y e no tabatin un anja mas di bida.

Dos dia pasa corte supremo di Merca a rechaza un peticion pa repasa su proceso. Den espera di e fallo di e corte nan a laga Soblen bai contra pago di un garantia di 100.000 dollar. Su esposa a bisa polis cu for di dialuna e no a miré mas.

Prome cu su arestacion na november di anja 1960 Soblen tabata traha na e hospital di gobierno pa hendenan mentalmente enfermo.

Binti anja largu el a duna Union Sovietica informacionnan secreto.

### RUSK PA LISSABON

LONDEN, 28 juni — E minister Mericano di exterior, Dean Rusk, despues di un bishita di tres dia na Inglaterra ayera a sali cu avion pa Lissabon. E lo keda un dia na e capital di Portugal. Despues di esey e ta regresa Washington despues di su gira di dies dia door di Europa.

### PRUEBA NUCLEAR DI MERCA

WASHINGTON, 28 juni — Merca ayera na e isla Christmas den oceano pacifico a haci un prueba nuclear den atmosfera. E prueba tabata numero 23 den e actual serie. E arma tabatin forsa di mas o menos un megaton. E avion a hibé den laira.

Mi kier pa nan stima mi mes tantu cu ami ta stima cuminda di **BABY HEINZ**

- CLA PA COME -



E alimentacion cu ta haci bo baby crece fuerte y salud, ta cuminda di baby sefta **HEINZ**. Tin 40 variacion delicioso pa menu di bo baby. Tur sefta masha fini, pues suave y facil pa digeri. Tur e variacionnan ademas ta particularmente agradable di sabor. Y pa mas facilidad nan ta obtenibel den botternan cu tapa di schroef.

Baby's tambe ta loco cu e sabor fresco di **JUICE HEINZ** yen di vitamina C cual nan mester diariamente.



strained meats - junior meats - strained juices - strained foods - junior foods - pre-cooked cereals

H. J. HEINZ COMPANY, PITTSBURGH, PA., U.S.A.

Distribuidor: **ARUBA TRADING COMPANY**  
NASSAUSTRAT

**EL DIARIO DE UNA VIDA** presenta pa cortesia di: **REFRESQUERIA INGRID** Tel. 1849

★ e mehor adres pa snacks, tur clase di dushi, softdrinks, ice-cream y revistas


1. „Ta kiko, papa?” „Nada, mi ta kere cu Dundee lo a hanja tempu pa busca Pelion, pa splike tur cos y... 2. „Ringgg. 3. „Padrino... ami? Bueno si abo ta manda asina, Dundee esey lo ta un gran honor pa mi...”



**PEPITA**

pa cortesia di: **Antillian Hardware Co**  
Bo mehor adres pa HERMENT, Y TUR MATERIAL DI CONSTRUCCION!

1. „Mi stoma ta pidi cuminda...” „Tin cuminda pa sobra awe mi a bai mercado.” 2. „Hola papa!” 3. „Esey lo sostiene nos un rato...” 4. „Nan a laga solamente e refrigerador.”



**CONFIDENTE Y COMODO**  
**KOTEX**

Kotex nobo, e proteccion higienico, awor ta mas suave y mas flexible. E puntanan ta plit di manera cu e ta fit mehor y ta keda completamente invisible. Y un composicion nobo, completamente absorbente, ta garantiza un mehor proteccion y muchu mas durable.



### HOROSCOOP DI AWE

Pa cortesia di **BOTICA ARUBA**  
„Bo botica di confianza”  
Tel. 1080-1081

**SCORPIO**  
23 October + 22 November



E dia di awe ta di gran interes cu bista riba bo financia personal of tambe di bo esposito.

**SAGITARIUS**  
23 November — 21 December



E dia di awe no ta masha interesante pa mantene relacion intimu cu otro. Bo ta es-cita mucho libe.

**CAPRICORNUS**  
22 December — 19 Januari



Lo ta mehor pa bo si bo tehe bo mes un poco atras e dianan aqui. I mehor bo secha mas tantu cu papia.

**ACUARIUS**  
20 Januari — 18 Februari



Paga tur bo atencion na idean i proposicionnan di saquinan profundamente.

**PISCES**  
19 Februari — 20 Marti



E dia di awe mehor bira un di es-nan di mehor dia luna aqui. Bini busca colecciona-na.